



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՎԱՐՉԱՊԵՏ

Ո Ր Ո Շ ՈՒ Մ

N 835 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԱԽԱՐԱՐՆԵՐԻՆ ԵՎ
ԿԱՌԱՎԱՐՈՒԹՅԱՆԸ ԵՆԹԱԿԱ ՄԱՐՄԻՆՆԵՐԻ ՂԵԿԱՎԱՐՆԵՐԻՆ ԿԻՑ
ՀԱՍԱՐԱԿԱԿԱՆ ԽՈՐՀՐԴԻ ԱՇԽԱՏԱԿԱՐԳԸ ԵՎ ՁԵՎԱՎՈՐՄԱՆ ԿԱՐԳԸ
ՀԱՍՏԱՏԵԼՈՒ ՄԱՍԻՆ

Հիմք ընդունելով «Կառավարության կառուցվածքի և գործունեության մասին»
օրենքի 7-րդ հոդվածի 1-ին և 5-րդ մասերը՝

1. Հաստատել Հայաստանի Հանրապետության նախարարներին կից հասարակական խորհրդի աշխատակարգը՝ համաձայն N 1 հավելվածի:

2. Հաստատել Հայաստանի Հանրապետության նախարարներին կից հասարակական խորհրդի ձևավորման կարգը՝ համաձայն N 2 հավելվածի:

3. Հաստատել Հայաստանի Հանրապետության կառավարությանը ենթակա Կադաստրի կոմիտեի, Պետական եկամուտների կոմիտեի և Քաղաքաշինության կոմիտեի (այսուհետ՝ կառավարությանը ենթակա մարմին) ղեկավարներին կից հասարակական խորհրդի աշխատակարգը՝ համաձայն N 3 հավելվածի:

4. Հաստատել Հայաստանի Հանրապետության կառավարությանը ենթակա մարմինների ղեկավարներին կից հասարակական խորհրդի ձևավորման կարգը՝ համաձայն N 4 հավելվածի:

5. Հայաստանի Հանրապետության նախարարներին և կառավարությանը ենթակա մարմինների ղեկավարներին՝ սույն որոշումն ուժի մեջ մտնելուց հետո՝

1) 90-օրյա ժամկետում ձևավորել նախարարին կից և կառավարությանը ենթակա մարմնի ղեկավարին կից հասարակական խորհուրդ՝ սույն որոշմանը համապատասխան, և հրապարակել հասարակական խորհրդի կազմը.

2) 6 ամսվա ընթացքում նախարարությունների և կառավարությանը ենթակա մարմինների պաշտոնական կայքերը համապատասխանեցնել սույն որոշման պահանջներին:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ
Ն. ՓԱՇԻՆՅԱՆ
Երևան